

ALEGRIA Y FANTASIA

CU **BON DIA**
Aruba

Carnaval number 43 ta start sali y cu esaki tambe ta cuminzá e actividadnan di e diferente Brassbandnan rond nos isla.


Sin embargo, mester bisa cu e aña aki por papia di un scariedad di Brassband, caminda cu sigur sigur e aña aki lo haña falta di caranan conocí den e mundo di Brassband y alavez lo sinti falta di diferente Brassband di renombre y prestigio.

Te na e momentonan aki nos por a conta solamente tres Brassband activo, cualnan ta DTU 365, Energy Brass y College Girls, kendenan recientemente a lanza nan grabacion di e cancion popular di Gloria Estefan y Miami Sound Machine, esta "Party Time".

Mester bisa cu nos a scucha e grabacion aki y nos a hañé super y for di akinan nos kier a felicitá cada un di e miembronan di College Brass cu e produccion aki y sigur nos ta loco pa mira nan den accion ya cu nos a scucha algun entrenamiento y nos tin cu bisa cu nan ritmo ta bastante bon será y sigur nan lo causa un sensacion un biaha mas den e temporada di Carnaval aki.

DTU 365 ta único Brassband cu a keda activo henter aña y sigur un biaha mas nan lo ta fuerte pa e temporada di Carnaval aki cu nan cancionnan bon arreglá y ritmonan combiná, cual estilo nan a bin ta dominá bastante bon.

Mester bisa cu DTU 365 a



conocé algun cara nobo e aña aki, cual tocadornan tabata forma parti di un otro Brassband, pa ser exacto Unity R&B, cual segun nos a comprondé for di algun integrante di e banda aki, cu el a conocé un morto natural y debí na cierto problemanan interno, mayoría di e integrantenan a dicidí pa no uni y lanta e Brassband aki mas.

Peró un Brassband cu si a keda "sólido" ta e muchanan di Energy Brass, kendenan a causa furor den e partidonan di futbol y tambe nos a bin comprondé cu nan a conocé un reorganizacion total, pa loke ta trata e banda y ta yen di caranan nobo a bin forma parti di e brassband aki, cu manera nos a bin comprondé

ta den pleno entrenamentonan intensivo p'asina presentá lo mihor posibel pa deleitá e público Carnavalista cu e bon música di Brassband.

Tin cierto rumor ta circulando cu aparentemente e famoso Savage Brassband lo ta formando bek, pero nos no por a haña confirmacion riba esaki.

Peró awe nos tin crítica pisá pa e comision cu a wordo lantá bao direccion di Sr. Joy Kock. E Comision aki a keda formá pa salba e ritmo di Asambeho, cual segun pensamiento di e comision aki, e último añanan aki ta bayendo perdí y ta mas bien bayendo den mesun direccion di e Steelbandnan a bai cu te dia di awe ta solamente un Steelband ta bibo ainda.

Nos kier bisa cu nos no tin nada contra di e comision aki, pero mester mencioná cu escuchando e miembronan di e comision aki ta bini na mente hendenan cu tin bastante, pero bastante tempo cu no ta activo den Brassband mas y no ta conciente di e desarroyo y progreso cu Brassband a conocé riba nos isla den e último añanan aki. Si mira esnan cu a wordo yamá pa graba e cassette p'asina comunidad haya copia di e ritmo original di Asambeho, mester bisa cu no ta personanan di e caliber haltu y cu tin añanan for di e mundo di Brassband. Naturalmente ta bon pa mantené e ritmo di Asambeho bibo, pero un cos mester corda cu manera tur otro cos riba e mundo aki, e ritmo di Brassband tambe a conocé un progreso y un desarroyo positivo y kizas esaki no ta e mesun ritmo cu e ritmo di Asambeho inventá varios añanan atras na YMCA San Nicolas, pero e base di e ritmo actual ta mesun cos cu e ritmo original di Asambeho. Pero sigur nos ta tras di e idea di e comision aki pa fomentá e ritmo den tur barrio rond nos isla p'asina esaki no muri manera tabata e caso di Steelband.

Peró akinan nos mester mencioná un otro factor pakiko no tin hopi Brassband mas riba nos isla, ta e hecho cu pa e Brassbandnan no tin un respé y alavez e último añanan aki a para bira'sina cu e público ta preferá pa baila un banda musical durante paradanan y no un Brassband, mientras cu e Brassbandnan ta wordo gustá mas durante un jump-up.

ASOMA VS. SAC????



Pa seguridad pa bo propiedad di negoshi durante temporada di Carnaval

RHODHANA SECURITY

Tel: 31885

Aruba Recording Studio
Neptunesstr. 10 Tel: 24416

Celebrando Carnaval

Y pesey ta pone su prijs pa e temporada di Carnaval, Carnavalistanan, probecha ta den Carnaval so esaki por sosode...

PUEBLO FOOD CENTER

ta den full swing cu Carnayál y ta Bò supermercado di Carnaval

CRYSTAL SEAPORT

Casinos
The Card

E WHISKY DI CARNAVAL

Dewar's
FINEST SCOTCH WHISKY
White Label
ROMAR TRADING




Manera ta conocé e problema mas grandi di nos Carnaval 43 ta e problemanan entre ASOMA y SAC, pero sacando afor di e declaracionnan ayera di Eljin Judan di ASOMA por ripará cu pa ASOMA no tin un problema y cu prácticamente lo bai tin continuacion di e eventonan, esta Tumba y Calypso y Roadmarch, aunke ainda no ta conocé si esakinan lo ta un festival of un contest.

Elgin a declará cu awe nan tin un reunion di caracter di urgencia cu minister y mañan tambe y ta wordo sperá cu pa Diahuebs lo tin claridad den henter e asunto aki p'asina por kita e dolor cu comunidad tin cu no lo bai tin festivalnan di Tumba y Calypso y Roadmarch. Pues nos lo keda pendiente di esaki pa trece resultadonan di e ruenionnan aki y e decision final. Pero un cos si Elgin a duna di conocé bon cla cu pa ASOMA no tin problema mas y e músiconan ta grabando y trahando duro riba nan produccionnan p'asina e público por disfrutá di e música di Carnaval cu sigur no lo bai falta den Carnaval 43.

Arubiano Original

Lamentablemente hopi di bosonan no a bai ayer' anochi Club Caiquetio pa presencía e eleccion di Prins y Pancho infantil, hubenil y grandi di nos carnaval 43. E ambiente tabata típico di e eleccion aki, único cos diferente tabata e poco asistencia di nos hendenan. Asina mes e participante den tur categoría a demostrá gran talentó, sobre todo den esnan grandi.

Como un cambio, e evento a



Esaki ta e pintura creá dor di Micheal Douglas di un di e roadpiecenan perteneciente na e grupo infantil Kids in Action y nan tema "Angels Fantasy".

cuminzá na ora y tambe a caba tempran considerando cu tabata Diadomingo. Esaki tabata S.A.C. su promé actividad oficial y a bai moderadamente bon, apesar di algun detaye manera e falta di barí di sushi, algo sumamente necesario den cualkier actividad popular.

Resultado final ta:

Infantil - Prins Cargo, Francis Salomon y Pancho Swing, Jimmy Werleman.

Hubenil - Prins Chubato, Lisander Besseling y Pancho Rock, Ricky Nelson.

Grandi - Prins Arubiano, Carlos Geerman y Pancho Original, Richard Bislip.

Limpieza

Durante e mesun eleccion aki, un di nos periodistanan a ripará algo especial. Notabatin ni un barí pa tira sushi aden. Tabatin venta di refresco, raspao, pop-

Si bo ta gusté y kier participá huntu cu nan, anto no lubidá di lesa mañan bo corant pa haya sa tur e informacion necesario.

corn y hotdog. Despues di caba di come of bebe, cosnan ta keda atras. Ni cuanto bo a busca no por a mira un drum of un saco na unda por a tira esakinan aden. Nos semper ta purba di haci tur hende consciente cu un Aruba limpi ta cumbini nos tur. Nos no, sa ta kende mester a percurá pa e drumnan. Na nos parecer ta e club ta esun cu ta responsabel pa esaki. Esaki tabata e promé actividad di

Carnaval pa e aña aki. Ya cu ta masha hopi actividad ta wordo tení na Club Caiquetio, laga nos spera cu durante otro actividadnan tin barinan pa tur esnan presente por depositá nan cupsnan, papelnan, etc.

Bon Dia Aruba

Tel: 27800

Fax: 27044 / 27093

Sleep Comfort

Tin tur tipo di tela pa dorna carosa y tur otro cos enjoy The Carnival cu Sleep Comfort Matras

Esta dushi ta Maltin Polar den Carnaval disfruta sanamente di Bo Maltin Polar

FIRST
First National Bank of Aruba N.V.

Subi, Subi, y sigui subi Asina bo Banco Completo First ta pone Bo cuenta subi den Carnaval

Hendrikstraat # 24
Tel: 23447

Cumana